

四庫全書

集部

欽定四庫全書

集部

庚開府集箋註卷七

詳校官監察御史臣曹錫寶

檢討臣何思鈞覆勘

總校官編修臣王燕緒

校對官主事臣陳墉

謄錄監生臣史光揚

欽定四庫全書

庾開府集箋註卷七

周庾信撰

吳江吳兆宜註

連珠

擬連珠四十四首

梁沈約上注制旨連珠表曰連珠之作始自子雲連珠者蓋謂

辭句連續互相發明若珠之結排也明茅坤曰先列其目而後著其解謂之連珠連珠兆於韓非瓊山謂其體始

於揚子雲非也

蓋聞經天緯地之才

謚法解經緯
天地曰文

拔山超海之力

見擬
咏懷

戰陣勇於風颭

見秋
夜

謀謨出乎胸臆

陸機赴洛詩
纏綿胸臆

斬長

鯨之鱗

廣州記鯨鯢長百丈大
亦稱之雌曰鯢雄曰鯨

截飛虎之翼

汲冢周書
寤敬解無

虎傅翼將飛入
宮擇人而食

是以一怒而諸侯懼安居而天下息

見語

孟子

蓋聞蕭曹贊務雄畧所資

蕭曹傳贊二人
同心遂安海內

魯衛前驅威

風所假

春秋考異郵云黃池之
會滕薛夾穀魯衛參乘

是以黃池之會可以爭

長諸侯

見使
北

鴻溝之盟可以中分天下

見擬
咏懷

蓋聞解封豕之結塞長蛇之源

左傳申包胥曰吳為必封豕長蛇游食上國

須製裳千里

詩製彼裳衣勿士行枚

啣血轅門

漢文帝紀皆曰新喋血京師詳進白

表是以開百里之圍用陳平之一策

史記高帝至平城為匈奴所圍七日

高帝用陳平奇計使單于闕氏圍以得開其計秘世莫得聞注桓譚新論彼必言漢有好麗美女為道其容貌天下無有今因急已馳使歸迎取欲進與單于見此人美大好愛之則闕氏日以遠疏不如及其未到令漢得脫去去亦不持女來矣

盟千乘之國須季路之一言

左傳小邾射以邑奔

魯曰使季路要我君無盟矣

蓋聞得賢斯在不藉揮鋒股肱良哉無論應變是以屈

完叅乘諸侯解方城之圍

左傳齊侯陳諸侯之師與屈完乘而觀之屈完曰楚國方

城以為城漢水以為池雖衆無所用之

干木為臣天下無西河之戰

呂氏春秋

段干木從學子夏於西河之上魏文侯時往館之秦欲攻魏司馬唐諫曰干木賢者而魏禮之毋乃不可加兵

乎秦君

乃止

蓋聞邯鄲已危徒思馬服

趙世家趙奢大破秦軍閻與下賜號馬服君又秦之間言

曰秦之所惡獨畏馬服君趙奢之子趙括為將耳秦軍射殺趙括軍遂降秦

薊城去矣空用

荆卿

燕世家太子丹使荆卿刺秦王覺殺軻遂滅燕

是以竹杖扶危不能正

武擔之石

蜀記武都山精化為女子蜀王納為妃卒王遣五丁於武都山擔土為冢故名武擔詳印

竹杖
賦
蘆灰縮水不能救宣房之河
三皇本紀女媧氏聚蘆灰以止滔水漢書

河決
宣房

蓋聞蟻穴衝泉未知遠慮

焦貢易林蟻封穴戶大雨相集

玄禽巢幕何

能支久

左傳吳公子札自衛如晉將宿於戚曰夫子之在此也猶燕之巢於幕上

是以大廈

既焚不可灑之以淚

未詳

長河一決不可障之以手

晉傳玄集

飛塵飛云河決滑金隄一手不能障

蓋聞膏脣喋喋

漢書張釋之曰嗇夫利口捷給陛下若與之官即使天下之人惟事口舌喋喋

而已後漢宦者傳膏脣拭舌

市井營營

鮑昭行樂至城東橋詩營營市井人

或以如簧

自進

詩巧言如簧

或以狙詐相傾

漢諸侯王表秦據執勝之地騁狙詐之兵

是以

子貢使乎五都交亂

家語子貢一出存魯亂齊破吳強晉而霸越子貢一使使勢相破十

年之中五國各有變

張儀見用六國縱橫

張儀傳儀魏人也入秦惠王以為客卿與謀伐

諸侯

蓋聞謀猷是習權變須長時增齊竈

見擬

或卧燕墻

未詳

是以井陘之兵如鴻毛之遇火

漢書韓信鼓行出井陘斬成安君虜趙王歇詳

賀平

長平之卒若秋草之中霜

白起傳長平之戰虜趙卒四十萬人詳代人表

蓋聞彼黍離離大夫有喪亂之感麥秀漸漸君子有去

國之悲

見和張侍中

是以建章低昂不得猶瞻灞岸

漢武故事建章

未央長樂三宮皆輦道相屬懸棟飛閣不由徑路詳擬咏懷

德陽淪沒非復能臨偃

師

後漢桓帝紀八年德陽殿門闕黃門北寺火詳宮調曲

蓋聞市朝遷貿

見竹杖賦

山川悠遠

穆天子傳王母誣曰白雲在天山川間之

是

以狐兔所處由來建始之宮荆棘參天昔日長洲之苑

見一卷

二卷

蓋聞天方薦瘥喪亂弘多

語見詩

空思說劍

禮記樂記虎賁之士說劍

徒聞枕戈

晉劉琨傳吾枕戈待旦

是以劉琨之英畧莫知自免

晉劉

欽定四庫全書

庚開府集卷註

四

現傳現志在復讐拜大將軍都督
屢討劉聰石勒後為段匹暉所害
祖逖之慷慨裁能渡

河

晉書祖逖渡江中流擊楫而誓

蓋聞穀林長遠

帝王世紀堯葬於濟陰之成陽西北是為穀林

蒼梧不從

見擬咏懷

惟桐惟葛

帝王世紀禹葬桐棺三寸葛以繡之

無樹無封

見傷心賦

是以隨珠

日月無益驪山之火

三輔故事秦始皇葬驪山以明月珠為日月三輔黃圖始皇葬驪山

牧兒墮羊冢中然火求羊燒其棺藏

雀臺絃管空望西陵之松

見哀江南賦

蓋聞雷驚獸駭電激風驅

班固西都賦雷奔電激北堂書鈔唐子云戰如風行

歷關塞

戰國策趙良說商君曰今君之為政陵鑠公族

枕跨江湖是以城形月

偃魏志馬超攻冀城揚阜使弟岳於城上作偃月營陳氣雲鋪見從非綠林之

散卒即驪山之叛徒見哀江南賦

蓋聞死別長城魏陳琳集飲馬長城窟行長城何連連連連三千里邊城多健少內舍多寡婦

作書與內舍便嫁莫留住善事新姑嫜時時念我故夫子生離函谷見宗廟歌遼東寡婦

之悲未詳代郡孀妻之哭史記趙世家襄子姊前為代王夫人簡子既葬未除服北登夏

屋請代王使厨人操銅料以食代王及從者行斟因令宰人各以料擊殺代王及從官遂興兵平代地其姊聞

之泣而呼天摩笄自殺代人憐之所死地名之為摩笄之山是以流慟所感還崩杞

梁之城灑淚所沾終變湘陵之竹見哀江南賦

蓋聞三世用兵既非貽厥

詩貽厥孫謀
詳哀江南賦

陰謀累葉必以

凶終

晉陸機傳機以三世為將道家所忌

是以李都尉之風霜上蘭山而

箭盡

漢李陵傳陵拜騎都尉自請曰願得自當一隊到蘭千山南陵未至鞬汗山一日五十萬矢皆盡遂

降陸平原之意氣登河橋而路窮

晉陸機傳成都在王穎表理機起為平原內

史詳哀

江南賦

蓋聞營魂不返

屈原九章願徑逝而未得魂識路之營

烽火宵飛

見哀江南賦

時遭獵夜之兵

說苑景公畋於梧邨夜夢有五丈夫北面倚廬稱無罪焉晏子曰先君靈公畋

五丈夫畧而駭獸故斷其首而葬之公曰嘻令吏葬之

或斃空亭之鬼

見擬是以

射聲營之風雨時有冤魂

後漢曹褒傳褒遷射聲校尉在射聲營舍有停棺不葬者

故吏對曰此等多是建武以來絕無後者褒乃愴然為買空地悉墓其無主者

廣漢

一作漢非

郡之

陰寒偏多夜哭

後漢書陳寵為廣漢太守雒陽城南每陰常聞哭聲寵勅縣葬埋遺骸哭聲即

絕

蓋聞江黃戎馬之郊鄆郢風飈之格

左傳注江國在汝南安陽縣黃嬴姓

國在汝南弋陽縣鄆今潁州鄆陵縣說文郢故楚都

在汝南郡江陵北十里老子天下無道戎馬生於郊

有去而不歸或無期而遠客是以章華之下必有思子

之宮雲夢之旁應多望夫之石

見一卷二卷

蓋聞無怨生離恩情中絕

文選班婕妤好怨詩恩情中道絕

空思出水之

蓮

見為與婦書

無復迴風之雪

見謝滕王啓

是以樓中對酒而綠

珠前去

晉石崇傳孫秀使使者索綠珠不得乃勸倫誅崇崇正宴於樓上介士到門崇謂綠珠曰我今

為爾得罪綠珠因自投於樓下而死

帳裏悲歌而虞姬永別

見擬咏懷

蓋聞樹彼司牧

見羽調曲

既懸百姓之命

漢賈誼傳天下之命懸於太子

及

乎厭世

通鑑華封人曰迨乎厭世去而上仙乘彼白雲至於帝鄉何辱之有

復傾天下之

心是以一馬之奔無一毛而不動

劉勰新論王莽之重鞭譬駕馬有驥之一

毛而不可謂之驥也

一舟之覆無一物而不沉

夏漢子一舟之覆無一毫不濕一馬

之走無一
毛不堪

蓋聞嚴霜之零無有不肅

晉傅玄鷹兔賦秋霜一至蘭艾俱落

長林之斃

無所不標

左傳子貢曰長木之斃無不標也

是以楚整既填遊魚無託

風俗通城門失火禍及池魚按百家書宋城門失火自汲池中水以沃之魚悉露見但抱就之

吳宮已

火歸燕何巢

見鏡賦

蓋聞名高八俊傷於閹豎之黨

後漢黨錮傳李膺荀昱杜密王暢劉祐魏朗趙

豐宋喆為八俊大長秋曹節諷有司

智周三傑斃於婦

女之計

漢書帝曰蕭何張良韓信三者皆人傑韓信傳呂后使武士縛信斬之長樂鐘室信方斬曰反

為女子所詐

是以洪澤之蛟遂挫長飢之虎

未詳

平臯之蟻能

摧夫水之龍

賈誼惜誓神龍失水而陸居兮為螻蟻之所裁

蓋聞吳艘蜀艇不能無水而浮

淮南子烏號之弓谿子之弩不能無弦而射越

舫蜀艇不能無水而浮

以紅間紫

疑有誤按張衡南都賦黃間機張善弩之名北堂書鈔陸機七

道操紫間之神機審必中而後射

不能無弦而射是以樊籠之鶴寧有

六翮之期

世說僧支道林好鶴時有遺其雙鶴者翅長欲飛林意惜之乃鍛其翮鶴軒翥不能復起

詳代人表

骯髒之馬無復千金之價

後漢趙壹傳骯髒依門邊詳象戲賦

蓋聞性靈屈折

見象戲賦

鬱抑不揚

漢司馬遷傳抑鬱而無誰語

乍感無

情或傷非類是以嗟怨之水特結憤泉

見哀江南賦

感哀之

雲偏含愁氣

見郊行

蓋聞遷移白羽

左傳昭公十七年許遷於白羽

流徙房陵

淮南子趙王遷流於房陵

思故鄉作山木之謳聞者隕涕

離家折里悽恨撫膺

列子昔人有知不死之道者齊子欲

學其道聞其已死乃撫膺而恨

是以吳起之去西河潜然流涕

吕氏春秋王錯

譖吳起於魏武侯使人召之起至岸門止車而望西河泣數行下

荆軻之別燕市悲

不自勝

見使北

蓋聞廉將軍之客館

廉頗傳頗失勢之時故客盡去及復用為將客又復至

翟廷

尉之高門

漢鄭當時傳翟公為廷尉賓客闐門及廢門外可設雀羅翟公復為廷尉賓客欲往翟公

乃大畧其門曰一死一生乃知交情一貧一富乃知交態一貴一賤交態乃見

盈虛倏忽貴賤

何論是以平生故人灌夫不去

漢田蚡傳賓嬰無勢諸公稍自引而怠驚惟灌

夫獨 門下賓客任安獨存

漢霍去病傳衛青日衰而去病益貴青故人門下多去事

去病輒得官爵惟 獨任安不肯去

蓋聞執珪事楚

見小國賦

博士留秦

學齋佔畢崔鴻曰四皓為秦博士見焚書坑儒

退隱於 晉陽思歸之客

左傳秦后有寵於桓如二君於景癸卯適晉后子見趙孟趙

孟曰吾子其曷歸對曰鍼懼選 於寡君是以此將待嗣君

臨淄羈旅之臣

見擬 懷是

以親友會同不妨懷撫悽愴山河離異不妨風月關人

蓋聞五十之年壯情久歇

漢書朱買臣曰吾五十當富貴詳擬咏懷

憂能傷

人故其哀矣

見宗廟歌

是以譬之交讓實半死而言生

見應詔

如彼梧桐雖殘生而猶死

見傷心賦

蓋聞秋之為氣

見傷心賦

惆悵是憐

宋玉九辨惆悵兮而私自憐

耿恭之

悲疏勒

見燕歌

班超之念酒泉

見竹杖賦

是以韓非客秦避讒

無路

見擬咏懷

信陵在趙思歸有年

信陵君傳魏公子無忌安釐王異母弟也用侯

生計奪晉鄙兵卻秦存趙使將將其兵歸魏而獨與客留趙

蓋聞懸鶉百結

見上趙王

知命不憂

見擬咏懷

十日一炊

見謝周明帝啓

無時何恥是以素王之業乃東門之貧民

論衡孔子不王素王之業

在於春秋家語孔子適鄭與弟子相失獨立東郭門外

孤竹之君實西山之饑士

伯夷傳伯夷叔齊孤竹君之二子揚雄法言夷齊無仲尼則西山餓夫

蓋聞胸中無學猶手中無錢

論衡手中無錢而之市決貨貨主必不與也夫胸中

無學猶手中無錢也

今之學也未見能賢是以扶風之高鳳無故

棄麥

見報寄隱士

中年之甯越徒勞不眠

古逸詩甯戚欲干桓公為商旅將任

車宿於郭門外桓公郊迎客夜開門辟任車爨火甚衆越飯半車下擊牛角而疾商歌桓公命後車載之授之

政以

蓋聞十室之邑忠信在焉五步之內芬芳可錄

後漢王符潛夫

論曰五步之間必有茂草十室之邑必有忠信

是以日南枯蚌猶含明月之珠

後漢班固答賓戲曰隨侯之珠藏於蚌蛤又郡國志曰日南郡秦象郡武帝更名

龍門死樹尚

抱咸池之曲

初學記黃帝之樂曰咸池詳傷心賦

蓋聞百尺之高累於九棊之上

見和從駕

千鈞之重懸於一

木之枝

說苑一圓之木持千鈞之屋五寸之鍵而制開闔蓋所居要也

是以履虎尾而

非險

周易履虎尾不咥人亨

傷龍鱗而未危

韓子龍喉下有逆鱗徑尺嬰之則殺人

欽定四庫全書

卷七

蓋聞居蘭處鮑在其所習

見和張
侍中

白羽素絲隨其所染

梁劉勰新論墨子悲素
絲以其變為青黃也

是以金性雖質處劍即凶

主父
偃諫

伐匈奴書兵
者凶器也

水德雖平經風即險

蜀李嚴傳注習鑿齒
曰水至平而邪者取

法

蓋聞豫章七年斃於豐草

藝文類聚淮南子曰
豫章生七年可知

芳蘭九

畹見枯
樹賦

淪於幽谷

見宮
調曲

是以欲求其直晉陽有自理之

蒿

見燕
歌

若賞其音吳亭有已枯之竹

張鷹文士傳蔡邕
告吳人曰吾昔常

經會稽高遷亭見屋椽竹東間第
十六可以為笛取用之果有異聲

蓋聞明鏡承

一作蒸非

食未為得所

淮南子鏡便於照形承食不如竹算

干將

補履尤可傷嗟

漢劉向說苑西閭過曰干將莫邪天下之利器也將以補履會不如兩錢之錐

是以氣足凌雲不應止為武騎

漢司馬相如傳武帝時奏大人賦天子大悅飄

飄有凌雲氣

才堪王佐不應直放長沙

漢賈誼傳天子議以誼任公卿

之位絳灌之屬盡害之以誼為長沙王傳有服飛入誼舍止於坐隅服似鴉不祥鳥也因作賦以自廣

蓋聞勢之所歸威之所假必能繫風捕影

漢郊祀志谷永言仙人如

繫風捕影 暴虎馮河

詩不敢暴虎不敢馮河

是以輕則鴻毛沉水

張儀傳儀曰臣聞積羽沉舟羣輕折軸

重則磐石凌波

郡國志東海信郎神破石為帆

蓋聞意氣難干非資扛鼎風神自勇無待翹關

左思吳都賦翹

關扛鼎注列子曰孔子勁能招國門之關不肯以力聞招與翹同漢書項羽力扛鼎

是以曹歲

登壇汶陽之田遽反

公羊傳莊公升壇曹子手劍而從之曰願請汶陽之田桓公曰諾已

盟曹子操劍而去之

相如睨柱連城之壁更還

見二卷

蓋聞卷施不死誰必有心

見傷心賦

甘蕉自長故知無節

遊名

山志武夷山水石之間惟有甘蕉林高者十丈

是以螺蚌得路恐異驪淵

淮南子明

月之珠螺蚌之病而我之利也莊子河上有家貧窮者其子沒淵得千金之珠其父曰夫珠必在驪龍頷下子得之心遭其睡也

雀鼠同歸應非丹穴

沙州記寒嶺去大陽川三十里有雀鼠同穴詳

宮調
曲

蓋聞北邙之高魏君不能削

魏志明帝即位欲平北邙令登臺觀見孟津辛毗諫

此

穀洛之鬪周王不能改

見應詔

是以愚公何德遂荷鍤

而移山精衛何禽欲銜石而塞海

見哀江南賦

蓋聞君子無其道則不能有其財忘其貧則不能恥其

食是以顏回瓢飲賢慶封之玉杯

王逸子顏淵之算瓢則勝慶封之玉杯何

者德行高遠能殊絕也

子思銀佩美虞公之垂棘

鹽鐵論子思銀佩詳贈淮南公

蓋聞水之激也實濁其源木之蠹也將拔其根

國語伐木不自

其本必有後生塞水不自其源必
有後流除禍不自其本必有後亂
是以延年之家預論

掃墓

漢書嚴延年母見報因大驚曰天道神明

羊舌之

族先知滅門

左傳伯石始生子容之母走謁諸姑曰長
叔似生男姑視之及堂間其聲而還曰是

豺狼之聲也狼子野心非
是莫喪羊舌氏矣遂弗視

蓋聞磨礪脣吻

左傳磨厲
以須王出

脂膏齒牙陵風扇毒

淮南子
膝蛇雄

鳴上風雌鳴下風而
化成形精之至也

向影吹沙

詩箋蟻短狐也能含沙
以射水中人影其人輒

病是以敬而遠之豺有五子

未詳

吁可畏也鬼有一車

王延

壽魯靈光殿賦吁可畏乎
其駭人也周易載鬼一車

蓋聞虛舟不忤

莊子方舟而濟於河有虛船來觸舟雖有褊心之人不怒也

令德無

虞忠信為琴瑟仁義為庖厨是以從莊生則萬物自細

淮南王莊子要畧江海之士山谷之人輕天下細萬物而獨往

歸老氏則眾有皆無

史記

太史公曰老子所貴道虛無應用變化無方

蓋聞三關頓足

千寶晉紀總論三關電掃劉禪入臣吳挺曰後漢馮衍傳束帶三關注謂上黨

關壺口關石陘關也

長城垂翅

晉太康記自華至此陽南北連百里號為方城亦曰長城詳和張侍

中既羈既旅非才非智是以烏江艤檝知無路可歸白

雁抱書定無家可寄

見哀江南賦

序

趙國公集序

見上
趙王

竊聞平陽擊石

見賀傳位
表步虛詞

山谷為之調

見賀新
樂表

大禹吹

筠風雲為之動

未詳按夏仲御別傳激南
楚吹胡茄風雲為之動

與夫舍吐性

靈

見象
戲賦

抑揚詞氣曲變陽春

見春
賦

光迴白日

景差大招
青春受謝

白晝 豈得同年而語哉柱國趙國公發言為論下筆成

章逸態橫生新情振起風雨爭飛魚龍各變方之珪璧

塗山之會萬重

見賀新
樂表

譬如雲霞赤城之巖千丈

見進
象經

賦表

文參歷象即入天官之書

史記有天官書

韻涉絲桐咸歸總

章之觀

見馬射賦

論其壯也則鵬起半天

見贈淮南公

語其細也

則鷦巢蚊睫

見小園賦

豈直熊熊旦上增城抱日月之光

天官

書歲星熊熊赤色有光

皎皎宵飛南斗觸蛟龍之氣

見從駕

昔者屈

原宋玉始於哀怨之深

離騷序屈原被讒憂心煩亂不知所愬乃作離騷九辨序宋玉

屈原弟子閔惜其師忠而放逐故作九辨以達其志

蘇武李陵生於別離之世

武傳陵泣下數行因與武決單于召會武官屬凡隨武還者九人詳擬咏懷

自魏建安之末

晉太康以來雕蟲篆刻其體三變

宋書謝靈運傳論自漢至魏文體三變莫

不同祖風騷詳
進象經賦表

人人自謂握靈蛇之珠抱荆山之玉矣

語見曹植
與楊修書

公斟酌雅頌諧和律呂若使言乖節目則曲

臺不顧

禮記樂記善待問者如攻堅木先其易者後其節目漢儒林傳后蒼說禮數萬言號曰后氏曲

臺記服虔曰在曲臺
校書著記因以為名

聲止操縵則成均無取

樂記不學操縵不能

安絃詳
馬射賦

遂得棟梁文囿

樹敏曰世說庾子嵩目和嶠森森如千文松雖磊呵有節目施

之大厦有棟梁之用范
暕應詔詩文囿降照臨

冠冕詞林

蜀志龐統傳司馬徽稱統當為南州士之

冠大雅扶輪

漢景十三王傳夫惟大雅卓爾不羣魯孔鮒孔叢子夫子謂晏子曰齊君失之已久

子雖欲扶其輶而
扶其輪良弗及也

小山承蓋

傳

周使持節大將軍廣化郡開國公丘乃敦崇傳

崇恒州代郡鼓城縣廣義鄉孝讓里人也昔壽丘建國

賜姓者十四人

見祀
圓丘

平陽舉賢登朝者十六族

見賀傳
位表徵

調况復大電繞樞

見祀
圓丘

流星入昴

帝王世紀禹母修己
見流星貫昴而生禹

派分源別幹其嗣興者乎魏道武皇帝以命世雄圖

晉書
張華

有知人之鑒慕容晃往謁之
華謂之曰必為命世之器

飲馬河洛

秦本紀後子
孫飲馬於河兄

第十人分為十姓辨風吹律丘氏其一焉

班固白虎通
聖人吹律定

姓以記其族北史魏太祖紀太祖道武皇帝諱珪昭成皇帝之嫡孫獻明皇帝之子也登國元年即代王位帝初拓中原天興元年定國號為魏遷都平城大赦改元

五代祖邈驃騎大將軍開

府儀同三司營丘郡開國公

魏地形志南營州領營丘郡天平四年置營州領營

丘郡正光未置未詳孰是通考後魏以九品分正從後周以九命分正從梁十八班以辨官位高卑諸國王公侯伯子男郡公國公後魏並正一品後周並正九命縣公諸開府散公後魏並從一品後周並九命於時

天道西北

見哀江南賦

既稟謀謨馬首東南

左傳荀偃令曰雞鳴而駕塞井

夷竈惟余馬首是瞻樂壓曰余馬首欲東乃歸

實資匡贊因以封名仍為賜姓

即有連類宗則樂正非無準則曾祖雙軌使持節驃騎

大將軍司徒青兗二州刺史范陽文昭公

通考魏晉刺史任重者為

使持節都督輕者為持節諸驃騎車騎衛鎮軍中軍撫軍四征四鎮等將軍凡加大字位從公梁固之陳為贈官無僚屬後魏大將軍僚屬如三公北齊亦然後周大將軍有長史司馬中郎掾屬諸曹參軍典籤等員自晉以來又有如開府同三司之儀者自羊祜始焉江左亦多有之後魏亦有之普秦初儀同三司位次上公魏書地形志青州領郡七齊北海樂安渤海高陽河間樂陵兗州領郡六泰山鉅平魯高平東平東陽幽州范陽郡注漢高帝置涿郡後漢章帝改洛食之始見為開將軍表上馬治國漢陸賈傳帝曰乃公居馬上得之安事詩書賈曰登庸之初見賀傳馬上得之寧可以馬上治乎昇槐論

道

見竹杖賦

生則絕席武宮

漢張禹傳禹遷太傅錄尚書事舍宮中每朝見持贊與三公絕

席死則配祀清室

三輔黃圖清涼殿夏居之則清涼也亦曰延清室漢書云清室則中夏舍

霜即此

夫人太原王氏

魏地形志并州太原郡領縣十

三世為將

見哀江南賦

四代為公

後漢袁術傳術曰吾家四世公輔

社稷大宗鐘鼎貴族伉儷

是歸

三皇本紀庖犧氏始制嫁娶以儷皮為禮左傳叔向曰寡君不能獨任其社稷之事未有伉儷

秦

晋匹也

左傳懷嬴曰秦晋匹也何以早我

祖提使持節衛將軍駙馬都

督河交二州刺史靈壽縣開國公

初學記漢制天子以列候尚公主國侯以

國人承翁主魏晉之後尚公主皆拜駙馬都尉後代因魏晉以為恒魏書地理志河州領郡四金城武始洪和臨洮周太祖紀魏廢帝三年改北秦為交州地形志定州常山郡有靈壽縣

公子公孫聲名

籍甚

漢陸賈傳游漢廷公卿間名聲籍甚

增輝增耀弱冠昇朝

曲禮人生十年曰幼學二

十日夫人清廉郡長公主

魏地形志東雍州郿郡清廉縣注有清廉山

孝文

帝之第二女也王姬有行車服不繫

詩序何彼穠矣美王姬也雖則王姬

亦下嫁於諸侯車服不繫其夫下王后一等猶執婦道以成肅雖之德也

故得衛青上將

漢

青傳青既尊貴而平陽侯曹壽有惡疾就國長公主問列侯誰賢者左右皆言大將軍主笑曰此出吾家常騎

從我奈何左右曰於今尊貴無比乃詔青尚平陽主與主合葬起冢象廬山云

張耳賢夫

見答趙王

啓父願使持節大都督徐州諸軍事徐州刺史平陽縣

開國公

魏書徐州領郡七彭城南陽平蕃沛蘭陵北濟陰碭晉州平陽郡有平陽縣

食邑四

欽定四庫全書

庾闕府集箋註

七

千戶少年習象

禮記內則
成童舞象

多見兵書澆沙聚石之營

見哀

江南賦

却月橫雲之陣

南史朱超石前鋒為魏軍所殺畧盡帝遣白直隊主丁旸於河北岸

為卻月陣梁吳均集從軍行云陣須橫却月詳從駕

彎弓則戟破小支

見馬射賦

抽劍

則泉飛枯井

見燕歌

夫人宇文氏周文皇帝之第三妹也

母儀令範女師賢哲

藝文類聚晉劉滔母孫氏公孫夫人序贊曰居室則道齊師氏有行

則德配女儀

德高隆慮

漢書林慮公主武帝姊也林慮因病以金千斤錢千萬為子昭平君贖罪

應劭曰隆慮今林慮也避殤帝諱改

義重河陽

見和永豐

魏受其終

舜典正月

於文祖

周新其命

詩周雖舊邦其命維新

式墓封墳

尚書武成封比干墓式商容間

追旌盛德乃贈使持節大將軍廣化郡開國公食邑一

千戶夫人贈安德郡長公主

隋書梁州河池郡河池縣注後魏曰廣化并置廣化

郡魏地形志冀州安德郡注太和中置

遊魂寃結非無廣漢之城

見連久

客思歸惟有東平之樹

皇覽後漢東平思王宇歸國思京師後葬東平其冢上松柏皆

西靡自永安以來魏室大壞海水羣飛

見宗天星亂動

赤雀表禮樂征伐不出於人主舉賢誅暴議在於強臣高

丞相驅率風雲奄荒齊晉我舅氏文皇帝駕馭龍虎據

有周秦

見宗廟歌

南北渝盟

見移齊文

東西敵怨

見駕平

既而各

受圖書

繫辭河出圖洛出書

並當圭璧

左傳楚共王無冢適曰當璧而拜者神所立也乃與

巴姬密埋璧於太室之庭使五人齋而長入拜康王跨之靈王肘加焉子干子皙皆遠之平王弱抱而入再拜

皆歷

百姓則父南子北兄東弟西事主則憂親求生則

慮禍大周親戚偏鍾塗炭輸之城旦

漢惠帝紀當為城旦春者皆耐為鬼

薪白

下之織室

漢外戚傳薄姬內魏宮漢使曹參等虜魏王豹以其國為郡而薄姬輸織室

關河嚴隔三十餘年天厭喪亂人思反德

范曄漢光武贊天厭喪亂

神思反德

彼之風塵既靜函谷此之冠蓋屢涉漳濱中山寬

枉之餘代郡凋殘之澤並遇草音咸蒙禮送

周書邵惠公顯傳顯

太祖之長兄也與衛可孤戰歿于什肥留晉陽為齊神武所害保定初謚曰景子胄景公之見害也以年幼下蠶室天和中與齊通好胄始歸關中襲爵邵公文帝紀天興初徙豪傑於代都陵隨例遷武川陵生系系生韜韜生肱肱避地中山遂陷於鮮于修禮修禮令肱還統其部衆後為定州軍所破歿於陣武成初追尊曰德皇帝太祖德皇帝之少子北史段韶傳宇文護母關氏慶之姑也先配中山宮周晉蕩公護傳護邵惠公顯之少子先是護母閻姬與皇第四姑及諸戚屬並沒在齊皆被幽繫至是並許還朝保定四年皇姑先至齊主以護權重乃留其母仍令人為閻作書報護曰天地隔塞子母異所三十餘年存亡斷絕肝腸之痛不能自勝想汝悲思之懷復何可處吾自念十九入汝家今已八十矣既逢喪亂倍嘗艱阻恒冀汝等長成得見一日安樂何期罪釁深重存歿分離吾凡生汝輩三男三女今日目下不覩一人興言及此悲纏肌骨頓皇齊恩卹差安哀

暮又得汝楊氏姑及汝叔母統于汝嫂劉新婦等同居
頗亦自適但為微有耳疾大語方聞行動飲食幸無多
恙今大齊聖德遠被特降鴻慈既許歸吾於汝又聽先
致音耗積稔長悲忽然獲展此乃仁侔造化將何報德
汝與吾別之時年尚幼小以前家事或不委曲昔在武
川鎮生汝兄弟大者屬鼠次者屬兔汝身屬蛇鮮于修
禮起曰吾之闔家大小先在博陵郡住相將欲向左人
城行至唐河之北被定州官軍打敗汝祖及二叔時俱
戰亡汝叔母賀拔及兒元寶汝叔母統于及兒善提并
吾與汝六人同被擒捉入定州城未幾間將吾與汝送
與元寶掌賀拔統于各別分散寶掌見汝云我識其祖
翁形狀相似時寶掌營在唐城內經停三日寶掌所掠
得男夫婦女可六七十人悉送向京吾時與汝同被送
限至定州城南夜宿同鄉人姬庫根家茹奴望見鮮
于修禮營火語我云我今走向本軍既至營遂告我輩
在此明旦日出汝叔將兵邀截吾及汝等還得回營汝

時年十二共我並乘馬隨軍可不記此事緣由也於後
吾汝在受陽住時元寶菩提及汝姑兒賀蘭盛洛并汝
身四人同學博士姓成為人嚴惡汝等四人謀欲加害
吾汝共叔母等聞之各捉其兒打之唯盛洛無母獨不
被打其後介朱天柱亡歲賀拔阿斗泥在關西遣人迎
家累時汝叔亦遣奴來富迎汝及盛洛等汝時著緋綾
袍銀裝帶盛洛著紫織成纈通身袍黃綾裏並乘騾同
去盛洛小於汝汝等三人呼我作阿摩敷如此之事當
分明記之耳今又寄汝小時所著錦袍表一領至宜檢
看知吾含悲戚多歷年祀屬千載之運逢大齊之德矜
老開恩許得相見一聞此言死猶不朽况如今者勢必
聚集禽獸草木母子相依吾有何罪與汝分離今復何
福還望見汝言此悲喜死而更蘇世間所有求皆可
得母子異國何處可求假汝貴極王公富過山海有一老
母八十之年飄然千里死亡旦夕不得一朝暫見不得
一日同處寒不得汝衣飢不得汝食汝雖窮榮極盛光

耀世間汝何用為於吾何益吾今日之前汝既不得申其供養事往何論今日以後吾之殘命惟繫於汝爾戴天履地中有鬼神勿云冥昧而可欺負汝楊氏姑今雖炎暑猶能先發關河阻遠隔絕多年書依常體慮汝致惑是以每存款質兼亦載吾姓名當識此理不以為怪謹報書齊朝不即發遣更令與護書要護重報往返再三而母竟不至朝議以其失信令有司移齊移書未送而母至舉朝慶悅大赦天下周賀蘭祥傳祥字盛洛家武川父初真尚太祖姊建安長公主祥年十一而孤居喪合禮長于舅氏特為太祖所愛阿斗泥賀拔岳字也

崇賓兄弟二人相看氣息親愛凋零

晉陸機樂府親愛多零落舊齒皆凋

喪方寸乂亂

蜀志徐庶曰今已失老母方寸亂矣

恒山殺翮豈望同飛

家語

顏回曰回聞恒山之鳥生四子焉羽翼既成將分於四海其母悲鳴而送之

而安國徒中鬱

為卿相

漢書景帝時韓安國為梁大夫坐法抵罪後梁內史缺起徙中為二千石拜為內史

班超

絕域遂得生還

見竹枝賦

天和四年至於新邑

周書召誥周公朝至於洛

則達觀於新邑管

朝廷以舅甥之國

左傳成公二年單襄公曰夫齊甥舅之國也

外

內之親

左傳介之推曰惠懷無親外內棄之

乃授賓使持節驃騎大將軍

開府儀同三司大都督安樂縣開國公

周書盧辯傳周制封郡縣五等

爵者皆加開國授柱國大將軍開府儀同者並加使持節大都督其開府又加車騎大將軍散騎常侍其授總

管刺史則加使持節諸軍事以此為常大象元年詔總管刺史及行兵者加持節餘悉罷之隋書青州安樂郡

密雲縣注有舊安樂郡

食邑一千戶賓得免虎口

莊子孔子見盜跖對柳下惠曰

欽定四庫全書

吾疾走料虎頭編虎鬚幾不免虎口哉

仍上龍門

見小園賦

聲價已高

顏延之緒白馬

賦聲價

風飈即遠

見秋夜

方欲討論國恥

論語世叔討論之

申雪

家寬橫尸原野

見袁江南賦

是所甘心

史記屈原傳曰願得張儀而甘心焉

時

不我與

論語日月逝矣歲不我與

先從朝露

見擬咏懷

春秋若干衛國興

文子之慟

禮記公叔文子升於瑕丘曰樂哉斯丘也我死則欲葬焉蘧伯玉曰吾子樂之則瑗請前

惡其欲害人田也

長安有詔葬之悲乃贈本官加少傅蒲虞勳

三州諸軍事蒲州刺史

周書明帝紀二年正月於河北置虞州隋書冀州河東郡注後

魏曰秦州後周改曰蒲州絳郡稷山縣注後周置勳州置總管府後改曰絳州以天和六年某

月日葬於長安之洪瀆原妻青州石氏長城郡君

隋書平涼

郡百泉縣注後魏置長城郡屬雍州

胤子孤筑

堯典放齊曰胤子朱啓明後漢皇后紀和熹鄧后賜

周馮貴人策曰先帝早棄天下孤心筑筑靡所瞻仰

生妻嫫室

文選李陵答蘇武書曰生妻去惟左

傳崔子曰

嫫也何害即能有節還成守義

劉向列女傳邵南申女者守義持節君子以為

得婦道之宜

崇蒙授使持節大都督驃騎大將軍開府儀同

三司廣化縣開國公食邑一千戶昆季二人同年上將

彤庭交映

見贈淮南公

祭戟相臨

漢雜事曰漢制假祭戟以代斧鉞崔豹古今注祭戟

王公以下通用之以前驅也

昔二馮同德繼踵當官

漢書馮野王馮立相代為上郡

太守歌之曰大馮君小馮君兄弟繼踵相因循兩杜齊名夾河為郡見傷心賦比斯

榮寵彼將慙色俄然賓疾奄捐館舍見請襲封表崇兄弟勝

衣見傷心賦備罹禍酷同氣長養得及全人今者來歸更連

凶閔每一悲慟行路傷心撫養愛子情深馬援之慈後漢

書馬嚴字威卿援兄余之子也少孤援常與計議委以家事弟敦字孺卿援卒後嚴與敦俱歸安陵居鉅下三

輔稱其義行號曰鉅下二卿恭事寡嫂義甚顏含之孝晉書顏含嫂病困須蟬蛇

膽不能得含憂歎累日忍有童于授舍蛇膽化青鳥飛去天和六年授大將軍餘如

故龍庭賞出塞之功班固燕然山銘焚老上之龍庭注老上單于五月大會龍庭祭其先

天地鬼神詳
出自薊北門
玉門勞旋師之寵
漢李廣利傳軍還入玉門者萬餘人馬千餘匹

天子為萬里而伐不
錄其過封海西侯
異代同和見之今日建德二年授

使持節都督宜州諸軍事宜州刺史

隋書京兆郡華原縣注後魏置北雍

州西魏改為宜州

忽忽橫閣但有誦書曖曖重帷惟聞善政清

不置水

後漢書龐參拜漢陽太守郡民任棠者有奇節參到先候之棠但以水一杯置戶屏前參曰水

者欲吾清也

明非舉燭

見封燭賦

乃是入境移風非直停車待雨

後漢百里嵩傳嵩為徐州刺史境內旱嵩行部所經甘雨輒隨車

有勅大將軍宜州刺

史廣化郡公崇自夏季無雨以迄於今雖靡神不禱仍未

降感

詩雲漢靡神不
禱靡愛斯牲

知彼州內獨蒙滂澤諒由大將軍

精誠所至憂念郡人豐稔可希良以為慰又勅廣化公

崇知此存心政術治勤黎人受委稱職嘉尚無已古人

有言非行之難

尚書說命知之
非艱行之惟艱

念加勉勗以致盡善指

令宣納抑操賜齊陳物如別宜諭朕懷昔陽平太守別

降紅粟之恩

王隱晉書太康十年詔曰陽平太守梁柳
治績尤異賜粟千斤秩中二千石詳羽調

曲 荆州刺史偏蒙袞衣之賜

後漢郭賀傳賀字喬卿拜
荆州刺史顯宗巡狩到南

陽特見嗟嘆賜以三公之服黼黻冕疏勅
行部去襜帷使百姓見其容服以章有德
治績尤異此

之謂乎崇清靜為政

漢曹參傳百姓歌曰蕭何為法廉講若畫一曹參代政守而勿失

明為法

漢趙廣漢傳為京兆尹廉明威制豪疆

人不忍背更不忍欺

史記滑稽

傳鄭子產為政民不忍欺西門豹治鄴民不敢欺宓子賤為政民不能欺

性不飲酒無所一

欲深沉墻仞

見酬薛文學

喜愠不形

晉阮籍傳籍喜怒不形於色

文必正

辭絃惟雅曲

見哀江南賦

仁義禮節是所用心緹紩素

隋書

經籍志秘書監荀勗因魏鄭默中經更著新簿分為甲乙景丁四部盛以縹囊書用緹素廣雅緇謂之緹

翫無已當令四郊多壘尚有公卿之辱

見哀江南賦

鼓鼙不

息猶勞將帥之謀

見變宮調

語其讐恥惟願橫行死地

孫子致之

死地而後生
詳答趙王啟

思其報國不吝身膏原野

後漢書東平王蒼疏曰宜當暴

骸骨野為
百僚先

但今天假之年時綏之福

蜀志許靖與曹公書曰倘天假其年

人綏
其福

忠貞之事公其取焉畧書梗概

見馬射賦

陳之直史

碑

陝州弘農郡五張寺經藏碑

蓋聞如來說法萬萬恒沙

發迹經淨名大士是往古金粟如來彌陀疏抄恒河在西

域無熱河側沙至微細佛近彼

菩薩轉輪生生世界

後漢

釋老志凡說教大抵言生生之類華嚴經一切法界虛空界等世界詳應諾

豈直優波提舍

龍樹菩薩傳并付發藏傳分別摩訶衍義造優波提
舍論十萬偈彌陀疏抄梵語優波提舍此云有別義祇

夜修多而已哉

彌陀疏抄梵語祇夜多此云重頌梵語修多羅此云經也

是以熙連

禪河

見應詔

質多羅樹

佛升切利天為母說法經佛在切利大歡喜園中波利質多羅樹下

三月安居四眾圍統身毛空中
放千光明普照三千大千世界

七處八會

復菴和尚華嚴論贊佛滅

度後六百年有龍樹菩提世間文字一時讀盡發心入
龍宮看藏見華嚴有三本上本中本下本遂記得下本

回歸西土傳到此方者乃八十
卷經三十九品品分七處九會

三清四說

未詳按陳江總集棲霞寺

碑云三清遺法未明五怖之災萬善開宗遂變四禪之
境彌陀疏抄四說十二部經一切諸法隨宜而說曰義

曰法曰詞曰樂
說四辨宣演

皮紙骨筆

楊銜之伽藍記王城南一百餘里有如來昔在摩休國剎

皮為紙折骨為筆處
阿育王起塔籠之

木葉山華

楞嚴經經是樹
葉或是疊華

象負之

所未勝

傳燈錄大智度論云龍象言其力大水行龍
力大陸行象力大故負荷大法者比之象龍
龍

藏之所不盡雖復銀函東度

道宣律師住持感應記有
黃金函內盛大般若合三

千億偈黃金為經牒白玉為界道白銀為
字其函長七寸是拘留佛所製次第陳列

金氎南翻

賢

經時佛姨母摩訶波闍波提佛已出家手自紡織預作
一端金色之氎奉上如來佛令持此往施眾僧注氎織

成大

秦景遙傳

樹穀曰年子曰漢明帝遣羽林將軍秦
景博士弟子王遵等十二人之大月氏

國寫明佛經四十
二部在蘭臺石室

竺蘭私記

見應

譬若海水之一珠

佛本

行集經昔有商主入海採寶得一貴重摩尼之珠復墮
海中時彼商主即持一杓發勇猛心持大海水欲令乾

竭取所失珠海神見其
精進勇猛即還寶珠

不下崑山之片玉

晉書却詵對武帝曰臣舉

賢良對策為天下第一猶桂
林之一枝若荆山之片玉

若夫法雲深藏

華嚴經所從來國同

名法雲菩薩處胎經金翅鳥從龍子到海宮殿彼有七
寶塔諸佛所說諸法深藏別有七寶函滿中佛經見諸

供養猶如天上師子雷音

七佛經護僧伽藍神斯有十
八神七名雷音八名師子

梵志往

生

梵志黑氏經梵志善能說法闍王來聽不覺啼泣曰
師善說法爭奈七日後捨命來生我界志即兩手持

梧桐花上佛佛云放下著
志領悟無生法忍免業

聲聞說戒

傳燈錄因聲聞而悟者名聲聞雪

山羅漢之倫

傳燈錄雪山五百仙人
飛空而至阿難為說法

鷲嶺菩提之法

法華

經文殊師利坐千葉蓮花從大海沙竭羅龍宮自然涌
出住虛空中詣靈鷲山彌陀疏抄梵語耆闍崛山此云

靈鷲山梵語
菩提此云覺

本無極際何可勝言弘農五張寺者南陽

張元高寓居此地昔者千金之族見徙五陵

司馬相如
諫獵書語

曰家累千金坐不垂堂三輔黃圖漢高帝都長安徙諸
齊田楚昭屈景及諸功臣於長陵後世世徙吏二千石

高貴富人及豪傑兼併之家
於諸陵疆本弱末以制天下

大姓之民移家六郡蓋其

流也元高五子負荷遺訓

十住論九者願負
荷正法除無利益

離經辯志

禮記樂記一年視離經
辨志三年視敬業樂羣

並是成名入室生光

見傷
心賦

咸能

顯德加以尊承慧業

世說會稽太守孟顛事佛精懇謝
靈運常語顛曰得道應須慧業文人

敬受法門

傳燈錄八萬法門百千三昧十
方世界萬象森羅皆是外緣

兄弟同居共

捨為寺伽藍肇建

釋氏要覽梵語題云僧伽藍此云衆園也

即以五張為名

是知城居趙信仍名趙信之城

漢霍去病傳遂至真顏山趙信城如淳曰趙信

降匈奴築城居之

殿入蕭何即號蕭何之殿

漢書有蕭何曹參韓信諸殿 加

以象馬無愆衣裘是捨

華嚴經寶器寶車調良象馬悉皆嚴飾歡喜布施三昧水懺世

尊為衆生故捨國城妻子象馬車乘珍麗衣服

春園柳路變入禪林蠶月桑津

迴成定水

陳張正見詩媳婦三秋思柳園後漢郡國志河東有平陽侯國又有採桑津本相經佛年

十九精進禪定法苑珠林周京師大遠寺釋僧實俗姓程咸陽靈武人也從京至洛因遇勒那三藏授以禪法三學雖通偏以九次調心 平輿雖盛豈可獨擅二龍

故得定水清澄禪林榮蔚

平輿雖盛豈可獨擅二龍

見傷心賦 扶風最良不得專稱五馬 蜀志馬良字季常兄弟五人俱以常為字良眉

有白毛諺曰馬氏 五常白眉最良 寺主三藏大法師法映邑主洛州刺

史張隆等財行法擅身心罄竭兼化鄉邑道俗數千 南史

齊武帝諸子傳竟陵王子良招致名僧講論佛法造經唄新聲道俗之盛江左未有敬造一切德

輪見功三百餘部琅笈雲書 未詳按白帖太霄琅書曰太霄琅書鑄金為簡刻玉

結篇金樓玉宇以明寶文秘於九天之上後漢李固傳負笈從師不遠千里 金繩玉檢 白帖金繩

界道太上八素經司命著藉玉簡丹書編以金縷纏以青絲千億萬年無所復疑 削蒸粟之簡

炯曰魏文帝書玉裝酸棗之珠 漢書扶餘出珠大如酸棗 並入香城

未詳按梁王筠集草堂寺碑云香城實相之談

咸封禪閣

伽藍經景林寺在開陽門內御道東加以

禪閣虛靜
隱室凝遠

坐堂伏檻羌非湘水之神

宋玉招魂坐堂伏檻臨曲池

綠

房紫葍足擬恭王之殿

文選王延壽魯靈光殿賦茵苔披敷綠房紫葍序景帝程姬之

子恭王餘之所立也

高掌西望

華山記華山本一巨靈以手劈開其上中分為兩以通河流今華嶽

上指掌之形具在

長河北臨鼎氣常浮

晉書神鼎見鼎者神器也不灼而溫不汲而盈

烟煴之氣自然所生故禹鑄鼎以擬之

焯曰史記秦

武時汾陰巫錦為民祠魏睢后土得鼎鼎大異於眾鼎乃以禮祠迎

爐煙咸起

釋慧遠廬山記東南有香爐山其上氛氲若香烟

戶牖

廖廓吹萬龍門之風梁棟崢嶸落實河源之樹

莊子子游曰敢

問天籟子蒸曰夫吹萬不同而使其自己也注風吹萬物有聲曰籟括地志龍門在同州韓城縣北五十里其

山更黃河夏禹所鑿者也屈原遠遊下崢嶸而無地兮上寥廓而無天詳哀江南賦僧徒雲集不

遠燉煌之城法苑珠林晉末中天竺沙門曇無讖者貴戒經及優波塞法東渡流沙撮舉章條抄

出戒本涼州有道進法師者流聞戒來乃馳往燉煌躬自迎接學侶相奔更合華陰之

市見和何儀同兩陝昔分燕世家自陝以西召公主之自陝以東周公主之郡國志弘農郡有

陝實基王化詩箋鄭玄曰其得聖人之化者謂之周南得賢人之化者謂之召南言二公之德教

自岐而行於南國也二陵今阻後漢郡國志弘農郡有二峻詳和宇文內史翻馳羽檄

漢陳豨傳帝曰吾以羽檄徵天下兵虞公屈產交亂風塵見贈淮南公召伯甘

棠凋零霜露

燕世家召公巡行鄉邑有棠樹決獄聽訟其下九域志召伯甘棠樹在陝州府署西

南雖復兼能共治

漢書宣帝曰與其共理者其惟良二千石乎

未遣渡河之

獸

後漢儒林傳劉昆為弘農太守先是峭距驛道多虎穴行旅不通昆為政三年仁風大行虎皆負子渡河

烽柝是警實擾移關之民

見秋夜及擬咏懷

是以法王御世

楞嚴

經阿難白佛言世尊我亦聞佛與文殊等詣法王子談實相

天人論道

景德傳燈錄周昭王二十

八年釋迦佛生刹利王家放大智光明照十方世界湧金蓮花自然捧雙足分手指天地作獅子吼聲年十九

欲出家號天人師

汲引四流

十住論佛引接三乘人天等衆雜阿舍經四流謂欲流有流無明流

有見流也

周圓五怖

楞嚴經此見周圓徧娑婆國佛地論五怖畏者一不汚畏二惡名畏三死畏四

趣畏五

故能調伏怨憎消除結縛

華嚴經法雲普覆虛空法界教化調伏無

有遺餘大藏一覽世有八苦一日怨憎會若增一阿舍經我今以智慧帚掃除諸結縛

法水津梁

得無砥柱之難香山轍迹非復終南之險

華嚴經贊若海作津梁瑞

應經白淨王令師相占太子師相白王言有一梵仙名阿斯陀具足五通在於香山王心自思維香山途路險

絕非人能到當以何方請來至此彌陀疏抄香山頂有無熱池流出四河南為恒河詳哀江南賦

天子

命我試守此邦

本傳孝閔帝踐阼信出為弘農守遷驃騎大將軍開府儀同三司

墨突

未黔孔席無暖

淮南子孔子無暖席墨子無黔突

纔臨都尉之境

見報寄洛

州即有樓船之役

漢朱買臣傳上拜買臣會稽太守詔買臣到郡治樓船備糧食水戰具

既而南風不競北道言旋幕府既開

見哀江南賦

邦君且止

鄉俗耆老依然此別屬茲法事須余制文聊以課虛

見進

象經賦表 為銘云爾

舍衛之國祇樹之園

金剛經佛在舍衛國祇樹給孤獨園

三明極地

王少頭陀

寺碑注三謂天眼明宿命明漏盡明也

八會窮源連河競說勝辯爭論波

提東度祇夜南翻非空即色

見奉和闡弘二教

離相無言

法華經解

脫相離相滅相終歸於空維摩經法無名字言語斷故

達人止是

見西門豹廟

獨悟重

昏屈原涉江固將重昏而終身

鈔曰王少頭陀寺碑曜慧日於康衢則重昏夜曉

身雖繫馬

心避騰猿

涅槃教誡經佛告比丘已能住戒當制五根勿令放入於五欲中若縱五根亦如惡馬無

轡猿猴得樹騰躍踣躑誰可禁制

禪棲却月

未詳按梁元帝集揚

高僧傳知彼所依處從心猿猴起

州梁安寺碑序紫鳳青龍之水却月朝霞之山

義殿翔鷗

未詳按海錄碎事悲官智殿舍攝羣生

迴風香蓋

華嚴經華蓋鬘蓋香蓋寶蓋各六百萬周迴布列

反

疑作交

露珠幡

阿闍

世王經是三小兒各以白珠而散佛上二兒發聲聞意者珠在佛肩上一兒發菩提心者珠在佛頭上化為

珠華交

西臨砥柱

見哀江南賦

東背輶轅

初學記輶轅關在洛陽

河鳴

陽碣

宋顏延之集車駕幸京口侍遊蒜山作云入河起陽峽踐華因削成

山響蘇門

見和趙王

翔禽歌轉流澗絃喧度河餘獸移關舊村昔為畿服今

成塞垣城疑廣武

見軍行

地似樓煩

地理志樓煩縣名屬雁門郡

燿烽

並照

晋天文志軒轅西四星曰燿燿者烽火之神也

象馬單行無鍾襲宮

左傳鄭人

侵許凡師有鍾鼓曰伐無曰侵輕曰襲

有雨圍原

未詳按左傳僖公二十五年晉侯圍原命三日

之糧原不降命去之謀出曰原將降矣軍吏曰請待之公曰得原失信何以庇之退一舍而原降

不資

十方

法華經十方佛土中惟有一乘法無二亦無三除佛方便說

誰釋三怨

左傳先軫曰楚

有三施我有三怨怨讐已多將何以戰

風傾地柱

長阿含經風災起時至果實天為際詳和張侍

中火及天元

觀佛三昧經天地始終謂之一劫劫盡壞時火災將起又七日出時大地須彌山漸

漸崩壞百千由旬永無遺餘山皆洞然諸寶爆裂烟焰震動至於梵天一切惡道皆悉蕩盡罪終福至皆集第

十五天上四十天以下盡成
灰墨史記歷書推本天元

銀鈎永固

晉索靖草書狀婉若銀鈎

金

牒長存

未詳按後漢祭祀志光武封禪用玉牒書藏方石牒有五檢又用石檢

封君馬

疑作

氏首

漢食貨志封君皆氏首印給焉

方事南蕃言從楊僕請謝劉昆

溫湯碑

隋書京兆郡藍屋縣注有太乙池有溫湯

咸池浴日先應綠甲之圖

淮南子曰出於暘谷浴於咸池拂於扶桑詳羽調曲砥

柱浮天始受玄夷之命

尚書大傳河水分流包山而過山見水中如柱然故曰砥柱海

賦浮天無岸吳越春秋禹巡衡山夢
玄夷蒼水使者遂獲金簡玉字之書
仁則滌蕩埃氛義

則激揚清濁

尸子水有四德沐浴羣生流通萬物仁也揚清激濁蕩滌滓穢義也柔而難犯弱而難

勝勇也道江疏河
惡盈流謙智也

勇則負山餘力弱則鴻毛不勝

見謝趙王

啓
仲春則榆筴同流

見和永豐

三月則桃花共下

見對酒歌

其色

變者通為五雲之漿

洞冥記五雲國有吉事雲起五色著於草成五色雲

其味美

者結為三危之露

呂氏春秋水之美者有三危之露

煙青於銅浦

地鏡圖錢

銅之氣望之如青雲臨海記銅溪在縣西北五十里其水黃色狀如銅故曰銅溪也

色白於鉛溪

南史張興世傳興世謂沈攸之等曰上流惟有錢溪可據述異記河間有兩鉛城漢世天雨鉛

非神鼎

而長浮

見五張寺碑

異龍池而獨涌

括地圖龍池之山四方高中央有池方七百里

羣龍居之多五花樹羣龍食之去會稽四千里

灑胃前腸興羸起瘡

史記庶子曰俞附瘡

病前洗腸胃
漱滌五臟

秦皇餘石仍為雁齒之階

白帖橋有雁齒
詳哀江南賦

漢武舊陶即用魚鱗之瓦

後漢楊彪傳董卓曰杜陵南
山下有武帝故瓦陶竈數千

所屈原九歌魚鱗屋兮龍
堂注河伯以魚鱗蓋屋

山間湧水實表忠誠

見燕歌

室

內江流彌彰純孝

後漢姜詩傳詩事母至孝妻龐氏事
姑尤謹母好食江水嗜魚膾妻每旦

出一日舍前忽泉湧出
每旦輒出雙鯉人稱孝感

豈若醴泉消疾聞乎建武之

朝東觀漢記中元年醴泉
出於京師飲者痼疾皆愈

神水蠲疴在乎咸康之世

高僧傳訶羅竭者多街頭陀昔武元康元年西入婁至
山石室坐禪去水遠乃以左脚碾室西石壁蹈沒指即

拔足水從中出清香軟美四
時不竭來飲者止饑渴除病

嵩嶽二仙之館不孤擅於

天池

世記嵩高山北有大穴莫測其深晉初常有一人誤墮穴中尋穴而行計可十許目忽曠然見明又

有草屋中有二人對坐圍碁局下有一杯白飲墮者飲之半年許乃得出於蜀中歸洛下問張華華曰此仙館大夫所飲者玉漿也莊子窮髮之北有溟海者天池也

華陰百丈之泉豈獨高於

蓮井

華山記山頂有池池中生千葉蓮因名華山

銘

秦州天水郡麥積崖佛龕銘

有序天水圖經秦州隴城縣東軻谷南麥

積山有瑞應寺山形如麥積佛龕刻石閣道縈旋上下千餘丈山下水縱橫可涉廣韻龕塔下室也樹穀曰法苑珠林秦州麥積崖佛殿下舍利山神藏之此寺周穆王所造名曰靈安寺

經四十年當有人出荊州長寧寺塔是阿育王
 所造下有舍利入地一丈餘石函五重盛碎身
 骨按舍利者西域梵語此云骨身舍利有三種
 一骨舍利其色白也二髮舍利其色黑也三肉
 舍利其色赤也若佛舍利推打
 不碎若弟子舍利推擊便破

麥積崖者乃隴底之名山

漢地理志隴西郡注應劭曰有隴底在其西也尚書武成

所過名山大川

河西之靈岳

法苑珠林尼連禪河有伽耶城西南六里許至伽耶山谿谷杳冥世

謂靈岳

高峯尋雲深谷無景

淮南子山高尋雲谿肆無景

方之鷲嶺

法華

經耆闍窟山中山形如鷲佛常居此故號鷲嶺

迹遁三禪

楞嚴經此三勝流具大隨順身心安隱得

無量樂雖非正修真三摩地安隱心中歡喜畢具名為三禪

譬彼鶴鳴

列仙傳張道陵入蜀居鶴

鳴山煉丹修道感老君授以秘籙遂領弟子趙昇王長求雲臺治復煉大丹服之漢永壽二年自以功成道著

乃於半崖舉身躍入石壁中自崖頂而出虛飛六甲見因成二洞崖半曰峻仙洞崖上曰平仙洞

戲鳥道下窮南中志交阯郡治龍編羊腸或斷見酬薛賦鳥道下窮自興古鳥道四百里

雲如鵬翼忽已垂天見贈淮南公樹若桂花翻能拂日見象戲賦

是以飛錫遙來釋氏要覽游行僧為飛錫安住僧為掛錫度杯遠至高僧傳劉宋時

有杯度者不知其名姓常乘木杯渡水因名杯度師疏山鑿洞鬱為淨土萬花谷如來說

從西方過一萬億佛上其國名淨土拜燈王於石室乃假馭鳳華嚴經有世界名香

光徧照佛號香燈善化王又乃至其中最後佛名為法界焰燈王傳燈錄四祖優波鞠多尊者每度一人以一

籌置於石室詳春賦

禮花首

疑作手

於山龕方資控鶴

法苑珠林魏文帝殿前有

金華空中現大史曰西域正法欲來到此不盈一月華手比立掌中金華來到此土初至之日空中金華即沒不現阿育王傳阿育王聞弟得道率捨衣資造石像一軀身高丈六即於山龕石室供養其弟此山及像今並在孫綽天台山賦王喬控鶴以冲天

大都督李允信者藉於宿植深悟法

門

見五張寺碑

乃於壁之南崖梯雲鑿道奉為亡父造七佛

龕似刻浮檀

增一阿舍經優填王勅國出巧匠會以牛頭旃檀作佛像供養晨夕禮拜

如攻

水玉

梁書諸夷傳師子國天竺旁國也晉義熙初始遣使獻玉象經十年乃至像高四尺二寸五色潔潤

形製殊特殊非人工山海經

從容滿月

華嚴經如來於此四天下中或

名圓滿月又毘
婆尸佛如滿月
照耀青蓮
揚嚴經縱觀如來青影現須

彌大藏經須彌山
下有青鴛伽藍
香聞忉利
傳燈錄佛九十日在忉利

佛請目連運神通攝匠人俾
雕佛像只雕得三十二相
如斯塵野
法華經譬如有

千大千世界事全在一微塵中時有智人破彼
微塵出此經卷韻書儒謂世釋謂劫道謂塵
還開說

法之堂
楞嚴經佛告阿難汝今現坐如
猶彼香山
道宣

感應記佛告阿難如
前寶塔今在香山
更對安居之利
經律異相云須達

既竟餘宮悉滅精舍造成白下遣使請佛安居白帖莊
嚴差別名之為刹梵刹者西域以柱表刹示所居處也

昔者如來追福有報恩之經
正法念經有四種恩甚為
難報一者母二者父三者

如來四者說法法師若有供養此四種人得無量福大藏一覽佛有報恩經

菩薩去家有思

親之供

孟蘭盆經目連見其母在餓鬼中即鉢盛飯往餉其母

敢緣斯義乃作銘

曰

鎮地鬱盤

見宮調曲

基乾峻極

中庸峻極於天

石關十上

華陽國志且蘭縣西

南有地名石潼關

銅梁九息

左思蜀都賦外負銅梁宕渠十道志銅梁山在涪江南七里

百

仞崖橫千尋松直陰兔假道

見七夕賦

陽烏迴翼

見別廐七

載輦

疏山

夏本紀禹山行乘櫓

穿龕架嶺糾紛星漢迴旋光景壁累經

文龕重佛影

見應詔

雕輪月殿

梁劉孝綽集酬陸倕云月殿曜朱樞風輪和寶鐸

刻鏡花堂

大藏一覽今禮一佛徧通諸佛如一室中懸百千鏡有人觀鏡鏡皆像現佛身清淨名逾

彼鏡遞相涉入鏡無不照影無不現

橫鐫石壁閣鑿山梁雷乘法鼓

法華經擊

大法鼓燒

樹積天香

維摩經坐香樹下聞斯妙香成寶論波利賓多天樹其香則逆風而

聞嗽泉珉谷

晉書孫楚曰當欲枕石漱流

吹塵石牀

南史齊褚彥回詣虞愿不在牀

上積塵有書數帙彥回嘆曰虞君之清一至於此拂塵而去水經注夷水右經石室南村人駱都小時到此室邊採蜜見一仙人坐石牀上

集靈真館

西岳記漢武帝巡省五岳禮祀豐備立宮其下號曰集靈

宮藏仙冊府

見進象經賦表

芝洞秋房

漢郊祀志宣帝作芝房歌

檀林春乳

齊竟陵王子良集經云如栴檀葉在伊羅林其葉則臭伊羅臭葉在栴檀林其葉則香

冰谷銀沙

見和同
泰寺

山樓石柱

西域傳佛初生已四王捧之置金
几上几施四塔并五石柱表之
異

嶺共雲同峯別雨

華嚴經為令一切衆生
遇清涼雲霞法雨故

冀城餘俗河

西舊風

漢楊惲報孫會宗書西河魏土文
侯所興有段干木田子方之遺風

水聲幽咽

見哀

江南賦

山勢崆峒

舊唐書隴右道岷州溢樂縣
有崆峒山山在縣西二十里

法雲常住

華嚴經不壞法
雲徧覆一切

慧日無窮

王中頭陀寺碑
注慧日喻明也

方域芥盡

維摩
經四

大海水入毛孔須
彌山入芥子等也

不變天宮

大藏一覽釋伽譜云劫初
天地大水彌滿風吹漸減

次第結沫
化為天宮

終南山義谷銘

有序

周保定二年歲次壬午七月己巳朔大冢宰晉國公護

鑿石關之谷

見佛龍銘

下南山之材維公匡濟彝倫

尚書洪範彝倫

攸叙

弘敷庶績

見羽調曲

燮理餘暇

尚書茲惟三公論道經邦燮理陰陽

披閱山

經以為終南惇物

禹貢注終南澧水所出惇物澧水所經

日月虧蔽

司馬相如

子虛賦日月蔽虧

杵幹枯柏

語見禹貢

倚桐梓漆

語見詩

年代蘊積於

何不有乃謀山澤之官

周禮山虞掌山林之政令澤虞掌國澤之政令

兼引衡

虞之匠

周禮林衡者斬木材則受法於山虞而掌其政令

東出藍田則控灞乘

澹

司馬相如賦終始灞澹師古曰灞水出藍田谷西入而入渭澹水亦出藍田谷北至霸陵入霸

西連

子午則據涇浮渭

漢王莽傳子午道從杜陵直絕南山徑漢中詳角調曲

派別八

溪流分九谷

張衡東京賦九谷八溪

銅梁四柱

見佛龕銘

石闕雙聳

水經

注平房城南門夾道有兩石柱翼路若闕焉漢揚雄甘泉賦封巒石闕彌迤予延屬

青綺春門

見同

州還溝渠交映綠槐秋市

見和劉儀同

舟楫相通蓄之則為屯

雲

周易雲雷屯

泄之則為行雨

見燈賦

青牛文梓

見枯樹賦

白鶴貞

松

見和趙王

運以真宮崇斯雲屋千楹抗殿龍首干雲

見宮調曲

萬頃疏苗蟬鳴再熟

見和永豐

川后讓德

文選謝靈運詩川后時安流

山

靈景從

賈誼過秦論羸糧而景從

豈如運石甘泉

見司水

纜通櫟陽之

殿秦本紀始皇二十七年作甘泉宮前穿渠穀水直繞

金墉之城

水經注穀水逕洛陽小城北因阿舊城憑結金墉故向地也詳和李司錄

將事未

勞為功實重國富人殷方傳千載因功立事敢勒山阿

銘曰

寥廓上浮崢嶸下鎮

見五張寺碑

壁立千丈峯橫萬仞

地理志扶

風武功縣東有大山古文以為終南其山高大周地之名山也

桂月危懸

見象戲賦

風泉虛

韻

水經注漢水又東歷臨縣西為明月池白壁灣灣狀半月清潭鏡徹上則風籟空傳下則泉響不斷

乘

輿嶺坂舉錘雲根

漢溝洫志舉錘為雲決渠為雨其炳曰張協雜詩雲根臨八極注五

吳

岳之雲觸石出者雲之根也

八溪分注九谷通源北涵桐井

魏文帝詩雙桐

生空井

南浮石門

華山記南嶺東巖北面有二小山一山有雙石豎生號曰石門

摸象大

壯

見宮調曲

規繩百堵

詩百堵皆興

膠葛九成

司馬相如賦張樂乎膠葛之宇郭璞

曰言曠遠深貌也詳和同秦寺

徘徊千柱

見應詔

桂棟凌波

屈原九歌桂棟兮蘭橈

柏梁乘雨

見應詔

疏川奠谷落實催柯

見哀江南賦

事均刊木

禹貢禹敷土隨山刊木

功侔鑿河

見溫湯碑

思舊銘

有序南史梁宗室傳鄱陽忠烈王恢有男女百人男封侯者三十九人女主三十八

人世子範嗣範遺其弟觀寧侯永通南川周敷傳敷臨川人也為郡豪族侯景之亂梁觀寧侯

蕭永寄避難流寓聞敷信義皆往依之 樹屏

曰梁書高祖三王傳邵陵王綸與世祖書曰莊

鐵小豎作亂久挾觀寧懷安二侯以為名號按

周王褒集送觀寧侯葬詩云疇昔同羈旅則江

陵之陷永亦

隨例入西魏

歲在攝提

見徵調曲

星居鷄首

見哀江南賦

梁故觀寧侯蕭永卒

嗚呼哀哉人之戚也既非金石所移

曹植贈白馬王彪詩自顧非金石吐

嗒令

士之悲也寧有春秋之異

淮南子春女悲秋士哀知物化矣

高臺

已傾稷下有聞琴之泣

新序齊稷下先生喜議政事桓譚新論雍門周說孟嘗君曰千

秋萬歲後高臺既以傾周引琴鼓之孟嘗君涕泣

壯士一去燕南有擊筑之悲

見二卷及使北

項羽之晨起帳中

見八彭城館

李陵之徘徊岐路

見擬

咏懷

韓王孫之質趙

韓世家公子蟻質於楚良不得歸

楚公子之留秦

見哀

賦江南

無假窮秋於時悲笑

見傷心賦

况復魚飛武庫預有棄

甲之徵

晉五行志魏嘉平中有二魚集武庫屋王肅曰殆有棄甲之變

烏伏狄泉先見

橫流之兆星紀吳亡庚辰楚滅

見哀江南賦

紀侯大去

左傳紀侯

大去其國違齊難也

邠子無歸

左傳邠人襲邠盡俘以歸邠子曰余無歸矣從幣於邠

原隰

載馳

詩載馳載驅歸唁衛侯詳將命

輶轅長別

楚辭注禹治水時自化為熊以通輶轅之道塗

山氏見之而慙遂化為石時方孕啓禹曰歸我子於是石破北方而啓生其石在嵩山

甲裳失矣

左傳屈蕩搏趙
旃得其甲裳

餘腥棄焉

見哀江南賦

河傾酸棗

漢溝洫志孝文時河

棗決酸

杞梓與檇櫟俱流海淺蓬萊

見步虛詞

魚鼈與蛟龍共

盡焚香複道詎斂遊魂

未詳

載酒屬車寧消愁氣

見馬射賦

芝

蘭蕭艾之秋形殊而共瘁

見連句

羽毛鱗介之怨聲異而

俱哀

淮南子九夷八狄之哭也殊聲而皆悲一也

所謂天乎乃曰蒼蒼之氣

莊子天之蒼蒼其正色耶

所謂地乎其實博博

一作搏搏

之土

後漢王潛夫論昔樂

毅以博博之小燕破強齊

怨之徒也何能感焉彫殘殺嗣無所假於

風飈

見代人表

零落春枯不足煩於霜露

桓寬鹽鐵論秋蓬被霜遭風則零落

欽定四庫全書

殿閣府集卷註

四

幕府昔開賢俊翹首

後漢周黨等傳論永平初東平王蒼為驃騎將軍開東閣延賢俊班

固集奏記東平王蒼曰

為羈終歲門人謝焉

楚世家晉叔向論子

干為羈終世可謂無民矣晉荀勗傳仕魏辟大將軍曹爽掾爽誅門生故吏無敢仕者勗獨臨赴

至於

東首告辭

禮記喪人記疾病寢東首於北牖下

西陵長往

見哀江南賦

山陽車

馬見傷王司徒

望

藝文作永

別郊門

晉陶潛集挽歌云嚴霜九月中送我出遠郊

潁川

賓客

漢書灌嬰賓客橫潁川

遙悲松路

見傷王司徒

嵇叔夜之山庭尚

多楊柳

晉書嵇康字叔夜宅中有柳樹每夏月居其下

王子猷之舊徑惟餘

竹林

晉書王徽之字子猷常寄居空宅便種竹

王孫葬地方為長樂之宮

史記

秦擣里子卒葬於渭南章臺之東曰後百歲是當有天子之宮矣我墓漢興長樂宮在其東未央宮在其西武庫正直

烈士埋魂即是將軍之墓

烈士傳羊角哀與左伯桃為友俱往仕楚

至梁山逢雪糧盡度不兩全遂併糧與哀至楚楚用為上卿後收葬伯桃伯桃墓逼近荆將軍陵而伯桃告云吾日夜被荆將軍伐之哀乃加兵未勝云我向地下看之遂自刎死博物志異聞注周日用曰其墓在宛陵之原求見其墓碑將軍名乃作次非字也漢書地理志河南郡故秦三川郡領宛陵縣昔嘗歡宴

沈約

傷虞炎詩攜手同歡宴

風月留連

宋孝武帝擬漢武帝李夫人賦徙倚雲日徘徊風月嵇康琴賦

留連 追憶平生

漢張耳傳貫高使與前印視泄公勞若如平生歡

宛然心目及

乎垂翅秦川

見和張侍中

關河羈旅

見哀江南賦

降乎悲谷之景

淮南子曰至於悲谷是謂瞞
時注悲谷西南方之大壑也

實有憂生之情

見宗廟歌

美酒

酌焉猶憶建鄴之水

見和永豐

鳴琴在操終思華亭之鶴

擬見

咏懷及二卷

重為此別嗚呼甚哉麟亡星落

春秋運斗樞衡星得則麒麟生

萬人壽

月死珠傷

見望月

瓶罄壘恥

詩瓶之罄矣惟壘之恥

芝焚蕙嘆

古詩芝焚蕙增嘆

所望鍾沉德水聲出風雲

漢郊祀志秦文公獲黑龍此水德之

瑞於是更名河曰德水宋劉敬叔異苑西河有鐘在水中晦朔輒鳴聲響悲激羈客聞而悽愴

劍沒豐

城氣存牛斗

見從駕

潜然思舊乃作銘云

風雲上慘

見郊行

舟壑潛移

莊子藏舟於壑謂之固矣夜半有力者負之而走昧者不

知駁駁霜露君子先危史記平津侯傳天子報曰君不幸罹霜露之疾商鞅傳危若朝

露紀侯大去懷王不返漢書范增曰懷王入秦不反玉樹常埋晉書庾亮

卒何充嘆曰埋玉樹於風流遂遠世說王東亭亡後王敬道與會嵇王道士

書曰元琳風流之美公私所寄忽爾喪失豈惟風流相悼荀伯藝文作卿舊縣荀卿傳荀

春申君以為蘭陵令春申君死而荀卿廢慶封餘邑左

因家蘭陵梁書武帝南蘭陵中都里人慶封奔吳吳勾宋玉招魂魂兮歸

餘予之朱方萬里歸魂修門詎入宋玉招魂魂兮歸

曰修門郢城連武庫山枕盧龍魏武帝紀田疇引軍出

南黃洛水注之北出盧思歸道遠返葬無從見哀江南賦徒

留送雁

會稽典錄虞國為日南太守卒於官有雙雁逐喪還至餘姚住墓前歷三年乃去

空靡

長松

見崇傳

平陵之東無復梧桐

古歌平陵東松柏桐不知何人劫義公崔豹古

今注平陵東翟義門人所作也

松聲蕭瑟長起秋風

見傷

心賦

疇昔隆貴提攜語默

禮記長者與之提攜繫辭或默或語

託情嵇阮

藝文

作琴晉書嵇康胸懷所寄以高契難明所與神交者惟阮籍山濤

風雲相得

見象賦

有酒

如澠終温且克

左傳晉侯以齊侯宴投壺齊侯舉矢曰有酒如澠詩飲酒温克

朝陽落

鳳

見羽調曲

大野傷麟

見哀江南賦

佳城鬱鬱流寓於秦

見傷山

山

陽相送惟餘故人

見傷王司徒

孀機菱緯

淮南子寡婦曰孀左傳菱不恤其緯

獨鶴孤鸞

見擬咏懷及鏡賦

閨深夜靜風高月寒生平已矣懷

舊何期

晉潘岳懷舊賦序余見父友東武戴侯楊君肇遂申之以婚姻而道元公嗣亦隆世親之愛不

幸父子凋殞慨然賦之

匣中絃絕

見步虛詞

鄰人笛悲

見傷王司徒

昔為幕

府

見哀江南賦

今成總帷

文選謝朓銅雀臺詩總帷飄井幹

梁東宮行雨山銘

山名行雨地異陽臺佳人無數神女羞來

見燈賦

翠幔朝

開

武夷山記玉皇與太姥魏真人武夷君建幔亭綵屋是日與鄉人宴飲汝等皆吾之曾孫也晉陸機集招

隱詩曰密葉成翠帷

新妝旦起樹入牀頭花來鏡裏草綠衫同花

欽定四庫全書

紅面似

西京雜記卓文君臉際常若芙蓉

開年寒盡

見應

正月遊春俱

除錦帔

典畧夫子見南子在錦帷之中

併脫紅綸

見和

天絲劇藕

見春賦

蝶粉多塵

道書蝶交則粉退

橫藤礙路

廣雅薰藤也

垂柳低人誰言

洛浦一箇河神

魏曹植洛神賦序余朝京師還濟洛川古人有言斯水之神名曰宓妃

東宮玉帳山銘

玉帳寥廓

抱朴子外篇兵在太乙玉帳之中不可攻也詳五張守碑

崑山抵鵲

見哀江南

賦

總葉成帷

見行雨山銘

連珠起幕玉策難移

山海經西北曰密山黃帝

取密山之玉策投之鍾山之陰

金花不落

合璧事類陰真君歌曰北方正氣為河車東方甲乙成丹

砂兩情合養為一體
朱雀調運生金花

隱士彈琴

列仙傳攬丘公華山道士漢武封禪公乃短章

甫擁瑟
來迎

仙人看博

異苑昔有人乘馬出平遙峪裏有二老翁相與搏蒲遂下馬以策抵地而觀

之自謂俄頃視其馬策淮然已爛顧瞻其馬鞍骸皆朽既還其家無復親舊

巖留舊鼎

南越書照

安縣山下有神鼎天清水澄則見鼎刺史劉道安常使繫其耳而牽之耳脫而鼎潛既而執役者莫不疾耳益

尉佗之鼎

雲上新荆

呂氏春秋山雲草荈

煮石初爛

神仙傳白石生嘗煮白石為糧燒

丹欲成

神仙傳藥之上者有九轉還丹

桑田屢變海水頻盈

見步虛詞長聞

鳳曲永聽蕭聲

見春賦

吹臺山銘

江寧吹嶺

丹陽記江寧縣南四十里慈母山積石臨江生蕭管竹自伶倫採竹嶰谷其後惟此幹見

珍故歷代常給樂府而俗呼曰鼓吹山

雖山出筠

未詳按拾遺記蓬山有浮筠之箄有青鸞集其

上仙者來觀戲焉風吹竹折聲如鐘磬之音

秦簫下鳳

見春賦

此岫為真青槐

避日

爾雅守宮槐葉晝聶宵炕

朱草司晨

帝王世紀帝堯時朱草生於郊又堯時有草夾階而

生隨月生死以占日月之數名曰冥筮

石名新婦

臨海記石新婦山亦名似人山上石悉綵色石

參差似人形永文帝遣畫工模寫山狀圖於白圍扇焉

樓學仙人

地理志天門零陽縣有半石岡

岡上有石名仙人樓

吳中字玉

古逸詩夫差女玉悅韓重欲嫁不得而死重弔於墓側玉形見歌曰

羽族之長名為鳳凰一日失雄三年感傷

城南姓秦

見七夕賦此花依樹登榭要

春

魏劉楨贈五官中郎將詩要我以陽春
臣曰顏延之詩風觀要春景月榭迎秋光

秩

舞能留

客

見燈賦

聲便度新

見春賦

雕梁數振無復輕塵

劉向別錄
魯人虞公

發聲清哀
拂動梁塵

至仁山銘

峯橫鶴嶺

臨海記郡西北有白鶴山周迴六十里高三
百丈泄水懸注遙望如倒挂白鶴因為名

水學龍津

見小園賦

瑞雲一片

郭子橫洞冥記稱東方朔云
東海大明之墟在釜山山出

瑞雲應王
者之符命

仙童兩人

見謝周
明帝啓

三秋雲薄

易通卦驗立秋
濁陰雲出如赤

繪

九日寒新

宋玉九辯懽悽增
秋兮薄寒之中人

真花暫落

見謝趙
王啓

畫樹

常春

見和示
內人

橫石臨砌飛簷枕嶺壁繞藤苗

見行雨
山銘

窻

銜竹影菊落秋潭

漢地理志弘農郡析縣注師古曰
鞠水出柳谷即今所謂菊潭也

桐

疎寒井

見義
谷銘

仁者可樂將由愛靜

論語仁者樂山
又曰仁者靜

望美人山銘

藝文作
徐陵

高唐礙雨

見燈
賦

洛浦無舟

魏曹植洛神賦
御輕舟而上泝

何處相望山

邊一樓

袁彥伯羅浮山疏遙望一石樓直上當十餘里
許石樓之於山頂十分之一耳去縣三十里便

見山基至所登
處皆平敞極目

峯因五婦

蜀王本紀秦王獻美女與蜀
王蜀王遣五丁迎女見一大

蛇入山穴中五丁并引蛇
皆上山化為石今梓潼縣有五婦山

石是三侯

未詳
按列

異傳豫章女子戴氏久疾出見小石曰能有神能差有疾者當事汝夜夢人告之吾將佑汝從後漸差遂立祠

名石嶮踰地肺謝靈運遊名山志玉危陵天柱漢郊祀志武帝

侯祠登禮滿之天柱禁苑斜通春人常聚樹裏聞歌枝中見

山號曰南嶽東宮舊事宮有四面窻有八舞恰對妝臺諸窻畫開所綾綺連錢及青匡郭飛板

看己識直喚便迴豈同織女非秋不來見和示

明月山銘

竹亭標嶽海錄碎事蜀崗其勢自西北四面臨虛山危

簷迥葉落窻疏看椽有笛見連對樹無風見傷風生石

洞

盛弘之荊州記宜都狼山縣山有風穴口大數尺名曰風井夏則風出冬則風入

雲出山根

見義

霜朝唳鶴

見小園賦

秋夜鳴猿

宜都山川記峽中猿鳴至清諸山谷傳其響冷

冷不絕又文選梁沈約石塘瀨聽猿詩噉噉夜猿鳴

堤梁以堰野路疑村船橫埭

下樹夾津門寧殊華蓋

葛仙翁傳崑崙山一曰華蓋天柱仙人所居洞天福地記華蓋

山周迴四十里名曰容成太玉之天在溫州永嘉縣仙人修羊公治之

詎識桃源

見擬咏懷

刀銘三首

風伯吹壚雲師鍊冶

吳越春秋越王允常聘歐冶子作名劍五枚以純鈎示薛燭曰客有

以鄉三十駿馬千匹千戶之都二賈此劍可乎薛燭曰不可臣聞初造此劍赤堇之山破而出錫若耶之溪澗

而出銅兩師灑道雷公發
鼓天帝裝炭太乙下觀

鐵燄朝流

蜀志闔閭造二劍
金鐵未流干將

夫妻乃斷髮剪指
投於爐中乃濡

金精夜下

見報寄
洛州

價重十城名高千

馬

千金穎合

呂氏春秋伍員解其劍以予丈人曰此
千金之劍也禮記凡獻刀則却刃授穎

百鍊

鋒成

崔豹古今注吳大帝
有寶刀三一曰百鍊

光連斗氣

見從
駕

燄動山精

未詳

身文水動刃古珠生

越絕書風胡子曰太阿巍巍翼翼
如流水之波玉市從文間起至脊

而止如珠而不可
枉文若流而不絕

斗精遙降

吳越春秋伍子胥過江解劍與漁父
曰此劍中有七星北斗文其值百金

山靈下

從

未詳

水文千曲蛇鱗百重

見聽擣衣

燕砥斂刃

莊子天子之劍以燕谿石

城為鋒齊岱為鏑晉衛為脊周宋為鐔韓魏為鈇

蜀水開鋒

浦元傳有奇思為諸葛亮鑄刀三千

口刀成自言漢水鈍弱不任淬用蜀江與烈

氣生分景

列子衛孔周其祖得殷帝之寶劍三二曰

承影將旦昧與之交旦夕昏明之際北面而察之莫識其狀

環成屈龍

浦元傳以竹筒納鐵珠滿

中舉刀斷之應手虛落因曰神刀今屈耳環者乃師其遺法

讚

自古聖帝名賢讚二十七首

黃帝見廣成子

治身紫府問政青丘

雲笈七籤軒轅本紀東到青邱山見紫府先生受三皇內文大字以

劫召萬神

龍湖鼎沒

見祀圓丘

丹竈珠流

見謝趙王啓

疎雲即雨落木

先秋至道須極長生可求

見賀傳位表

堯登壇受圖

登壇洛汭沉玉河湄

見馬射賦

丹圖馭馬綠甲乘龜榮光上

幕休氣連帷

見羽調曲

雖允克讓於見文思

見祀方澤

舜舞干戚

平風變律

帝王世紀舜以六律五聲八音協治詳賀傳位表

擊石來儀

舜典鳳凰來儀

詳步
虛詞

先齊七政

見哀江
南賦

更服三危

孟子舜投三
苗於三危

朱干獨

舞玉戚空麾

帝王世紀有苗氏負固不服禹請征之舜
修教三年執干戚而舞之有苗請服詳賀

新樂
表

南風一曲拱己無為

見馬
射賦

禹渡江

三江初鑿九谷新成

禹貢三江既
入九山刊旅

風飛鷁涌

韻集鷁首
天子船也

水起龍驚樂天知命無待憂生危舟遂靜亂檝還平

見哀

江南
賦

湯解祝網

連珠兩起

未詳

合玉雙沉

尚書中候天乙在亳諸隣國襁負歸德東觀乎雒降三分璧黃

魚雙躍出濟於壇化為黑玉赤勒曰玄精天乙受神福伐桀克

穀為祥樹

呂氏春秋成湯之時有穀

生庭昏生至旦而大合拱史請卜其故湯退卜者曰吾聞見祥而為不善則福不至見妖而為善則禍不至三

日而穀亡桑見樂林

左傳襄公十年宋公享晉侯於楚邱請以桑林荀瑩辭及著雍疾卜桑林見晉

侯有間注桑林殷天子之樂名間疾差也

三方落網一面驅禽德矣聖政仁

乎用心

見和王內史

文王見呂尚

言歸養老

齊世家呂尚曰吾聞西伯賢又善養老盍往焉

垂釣西川岸止磻石

溪惟小船

見宮調曲

風雲未感

見象戲賦

意氣怡然有此相望於

茲幾年

見和張侍中

武丁迎傅說

虞田路斷辭

疑作沙

澗泉飛躬勞版築有弊韋衣

見宮調曲

賢

臣入夢天賜無違

尚書說命夢帝賚予良弼

千巖之下遂得同歸

成王刻桐葉封虞

唐叔百里居河之汾帝刻桐葉天書掌文禮以成德樂

以歌勳天子無戲唐其有君

晋世家唐叔虞者周武王子及生文在其手曰虞遂

因命之成王與叔虞戲削桐葉為珪與虞曰以封汝史佚曰天子無戲言言則史書之禮成之樂歌之於是遂封叔虞於唐唐在河汾之東方百里

漢高祖置酒沛宮

遊子思舊來歸沛宮還迎故老更召歌童雖欣入沛

漢高

帝紀上還過沛留置酒沛宮悉召故人父老子弟佐酒發沛中兒得百二十人教之歌酒酣上擊筑自歌曰大風起兮雲飛揚威加海內兮歸故鄉安得猛士兮守四方謂沛父兄曰遊子悲故鄉吾雖都關中萬歲之後吾魂魄猶思樂沛

方念移豐

見春賦

酒酣自舞先歌大風

漢武帝聚書

獻書路廣藏書柱開

劉歆七畧孝武皇帝勅丞相公孫弘廣開獻書之路百年之間書積

如丘山故外則有太常太史博士之藏內則有延閣廣內秘室之府老子傳注索隱曰老子為柱丁史即藏室之柱下因秦儒出谷見哀江南賦漢簡吹灰秦始皇本紀李斯請史官非秦

記皆燒之非博士官所職天下敢有藏詩書百家語者悉詣守尉雜燒之芝疑作金泥印上玉

匣封來

拾遺記元封元年浮忻國貢蘭金之泥即銀燭是也常以此泥封諸函匣及諸宮門鬼魅不敢

干當漢世上將出征及使絕國多以此泥為璽封

坐觀風俗不出蘭臺

漢官儀御史中

丞二人其一別在殿中兼典蘭臺秘書

袁盎諫文帝

千乘峻轍

見馬射賦

六轡危行

詩六轡如琴

跡迴松坂山斜柳城

龍淵地狹

見從駕

華蓋風驚

見羽調曲

賢臣攬轡可謂忠貞

漢袁

盎傳上從灞陵上欲西馳下峻坂盎攬轡曰陛下騁六飛馳不測山有如馬驚車敗陛下縱自輕奈高廟太后

何上乃止

朱雲折檻

上書直諫有怙明君先求斬馬遂請龜文身推欄檻義

烈風雲應從御史翻賴將軍

左思魏都賦劍則龜文龍藻漢朱雲傳雲字游魯人

徙平陵成帝時丞相故安昌侯張禹以帝師位特進雲曰臣願賜上方斬馬劍斬佞臣一人以厲其餘上問誰

也對曰安昌侯張禹上大怒御史掾雲下雲攀殿檻搥折御史掾雲去於是左將軍辛慶忌免冠解印綬叩頭殿下上意解曰勿易因而輯之以旌直臣

周公戒伯禽

伯禽居魯

魯世家周公卒相成王而使其子伯禽代就封於魯

鳴玉來朝

禮記玉藻將適

公所史進象笏書對命既服習容觀玉聲乃出

周公政治為國風謠

詩疏周公之陳幽公之

教自始至成述其政教之始則為幽風述其政教之中則為幽雅述其政教之成則為幽頌

北山有

梓南山有喬禮容雖備俯仰無驕

說苑伯禽與康叔封朝成王見周公三見

而三笞康叔封與伯禽見商子商子曰南山之陽有木焉名曰喬實而仰喬者父道也南山之陰有木焉名曰

梓實而俯梓者子道也二子見周公入門而趨登堂而跪公拂其首勞而食之

五月披裘負薪

披裘當夏俗外為心雖逢季子不拾遺金

見小園賦

禽巢欲

遠魚沉惟深

劉峻山栖志鳥居山上層巢木末魚潛川下窟穴泥沙豈好異哉蓋性然也

清

聲滅跡何必山林

郭璞遊仙詩長揖當達人去來山林客

王祥扣冰魚躍

王祥之母鮮鱗是求冰連釣浦凍塞寒流精誠有感無

假沉鈎二老同膳雙魚共浮

見傷王司徒

孫叔敖逢蛇

叔敖朝出容悴還家母氏顧訪知埋怪蛇爾有陰德陽

報將加終為楚相卒有榮華

漢賈誼書孫叔敖為兒出遊還憂不食母問其故泣

曰今旦見兩頭蛇母曰蛇安在曰聞見兩頭蛇者死恐人復見之已殺而埋之矣母曰無憂汝不死矣吾聞有陰德必有陽報汝必當貴後為楚相

高鳳好書不知流麥

高鳳好學專心不迴流連經笥

後漢邊韶傳韶曰腹便便五經笥

對玩

書臺

司馬彪續漢書靈臺者乃周家之所造臺也圖書術稽珍玩寶怪皆所藏也

石門雲度

見義
谷銘

銅梁雨來

見佛
龕

麥流雖遠書卷猶開

見報寄
隱士

張良遇黃石公

張良取履跪授無辭兵書一卷長者三期

漢張良傳良嘗聞從容步

遊下邳圯上有一父老衣褐至良所直墮其履圯下顧謂良曰孺子下取履良強忍下取履因跪進父以足授之笑而去復還曰孺子可教矣後五日平明與我期此五日平明良往父已先在怒曰與老人期後何也去後五日蚤會五日雞鳴往父又先在復怒曰後何也去後五日復蚤來五日良半夜往有頃父亦來喜曰當如是出一編書曰讀是則為王者師十三年孺子見我濟北穀城山下黃石即我已後果得穀城山下黃石取而寶之昔稱韓相今為帝師

見擬
咏懷

穀城餘石還歸舊祠

師尚父授丹書

尚父一遇周王是親赤雀既下

見祀赤帝

丹書已陳

通鑑武王踐阼

三日師尚父陳丹書

自論秉鉞

齊世家師尚父左杖黃鉞右把白旄以誓曰蒼兕蒼兕總爾衆庶

長別垂綸獨有磻石留名渭濱

見宮調曲和張侍中

榮啓期三樂

榮期三樂惟人與年夫子相遇即以為賢性靈造化風

雲自然雅琴雖古獨有鳴絃

見和張侍中

夫子見程生

程生夫子一遇相知薄言傾蓋桑陰遂移清揚共美賢

聖同羈陳詩難別贈絹傷離

家語孔子之鄭遇程子於塗傾蓋而語終日甚相親

顧謂子路曰取束帛以贈先生詩不云乎有美一人清揚宛兮邂逅相遇適我願兮今程子天下賢者也於斯不贈則終身弗能見也詳溫湯碑

鉏麇見趙盾

趙盾將朝端衣整笏鉏麇受命衝冠危髮惆悵賢臣顧

瞻城闕利劍不抽青槐先絕

左傳趙宣子驟諫公患之使鉏麇賊之晨往寢門聞

矣盛服將朝尚早坐而假寐麇嘆曰不志恭敬民之主也賊民之主不忠棄君之命不信有一於此不如死也

觸槐而死。蘭相如傳相如持壁却立倚柱。怒髮上衝冠。曹植贈白馬王彪詩。顧瞻繼城闕。

蔡澤就唐生相

蔡澤羈旅唐生決絕無勞神策

見步虛詞

不問靈龜

周易舍爾靈龜

富貴自取年壽須期雖云異相會待逢時

蔡澤傳澤干諸侯不遇而

從唐舉相舉熟視而笑曰吾聞聖人不相其先生乎澤知舉戲之乃曰富貴吾所自有有所不知者壽也乃西入秦昭王拜為秦相

李陵蘇武別

李陵北去蘇武南旋歸驂欲動別馬將前河橋兩岸臨

路悽然故人此別知應幾年

見擬咏懷
趙國公序

樊噲見項王

樊噲將軍漢王車右不憚鋒刃何辭斗酒霸上屯軍

漢

噲傳亞父謀欲殺沛公令項莊拔劍舞坐中欲擊沛公噲居營外聞事急乃持盾入立帳下羽問為誰張良曰沛公驂乘樊噲也羽曰壯士賜之卮酒彘肩噲既飲酒拔劍切肉食之羽曰能復飲乎噲曰臣死且不惜豈持卮酒乎沛公留車騎獨騎馬噲等四人步從從山下走歸霸上軍

鴻門固守持謝范增

惟留玉斗

漢高帝紀或說沛公守函谷關羽西入關關門閉羽大怒使黥布等攻破函谷關沛公見

羽鴻門謝使張良獻玉斗范增增怒撞其斗起曰吾屬今為沛公虜矣

秦穆公飲盜駿馬

駿馬遇盜秦王不嗔先傾美酒翻畏傷人鄰兵向國窮

寇侵秦於時大盜還作功臣

說苑秦繆公常出而忘其駿馬自往求之見人已殺

其駿馬方共食其肉繆公曰吾聞食駿馬肉不飲酒者傷人即以次飲之酒居三年晉攻秦穆公圍之往時食馬肉者相謂曰可以出死報食馬得酒之恩遂獲惠公以歸

延陵季子遇徐君

徐君有禮季子惟賢經過一遇如舊依然人非別後心

許生前長松雖合寶劍猶懸

吳世家季札之初使北過徐徐君好季札劍口不敢

言季札知之為使上國未獻還至徐徐君已死乃解其寶劍繫徐君冢樹而去季子曰始吾心已許之豈以死倍吾心哉新序徐人歌曰延陵季子
今不忘故脫千金之劍兮帶墳墓

鶴讚 有引

武成二年春三月雙白鶴飛集上林園大將鄭偉布弋

設置並皆禽獲六翮已摧

晉趙景真與嵇茂齊書
鋒銛靡加六翮摧屈

雙心

俱怨

見鴛鴦賦

相顧哀鳴孤雄先絕孀妻向影信奏事階墀

立使為讚

九臯遙集

詩鶴鳴于九臯

三山迴歸

見和王少保

華亭別唳洛浦仙

飛

見哀江南賦

不防離繳

見和張侍中

先遭合圍

見征客

籠摧月羽

見和趙王

弋碎霜衣

宋鮑昭舞鶴賦疊雙毛而弄影振玉羽而臨霞

塞傳餘號

梁元帝

覽賦 公鶴

關仍舊名

漢宮闕疏白鶴太子所居之地凡塞于尋陽人不得輒入故云鶴禁梁昭明太子集答相東王書

曰掩鶴關而高卧

南遊湘水

盛弘之荆州記衡山有三峯極秀一名紫蓋澄天明

景輒有一雙白鶴迴翔其上

東入遼城

見步虛詞

雲飛欲舞

相鶴經翔于雲故毛豐而

疎 露落先鳴

見小園賦

六翮摧折九門嚴閉

見擬咏懷

相顧哀鳴

肝心斷絕松上長悲

見和趙王

琴中永別

見擬咏懷

庾開府集箋註卷七